


# AIRGEAD CAILLTE



Pictiúr: Radharc:

(a) Páid sa siopa, an siopadóir, arán agus im; (b) Sa chistin, Páid agus é ag tabhairt an phunt ime do Mhamái, píosaí airgid (briseadh), comhartha ceiste, le cur sa chiorcal cainte de réir mar a oireann. Páid agus é ag taispeáint do Mhamái go bhfuil poll ina phóca aige; (c) Páid ar an mbóthar, píosaí airgid a thaispeáint sa phictiúr de réir bhrí na cainte.

Gníomhartha agus geáitsíocht a dhéanamh de réir mar a bhíonn gá leo.

## CÉIM 1. CLOISTEÁIL AGUS AITHINT

### Cuntas Reatha

Bhí Páid sa siopa. Cheannaigh sé im agus arán. Chuaigh sé abhaile.

### Agallamh

PÁID: Seo duit an t-im agus an t-arán, a Mhamái.

MAMAÍ: Maith an buachaill. Ach cá bhfuil an briseadh?

### Cuntas Reatha

Chuir Páid a lámh ina phóca. Ní raibh an t-airgead ann. Bhí poll ina phóca.

### Agallamh

PÁID: Chaill mé é, a Mhamái. Tá poll i mo phóca.

MAMAÍ: B'fhéidir go bhfuil sé ar an mbóthar.

### Cuntas Reatha

Rith Páid síos an bóthar. Fuair sé an t-airgead. Bhí áthas air ansin.

## CÉIM 2. AITHRIS

## CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Bhí Páid ar scoil?

Cheannaigh sé milseáin?

Cá ndeachaigh sé ansiń?

Tusa, Páidanois, tabhair an t-im agus an t-arán do Mhamái.

Céard a deir tú anois, a "Mhamái"?

Tá rud éigin eile uait, a "Mhamái"?

Céard a rinne Páid?

Bhí an t-airgead ann?

Bhí rud éigin mícheart lena phóca?

Bhuel, a "Pháid", cad a tharla don airgead?

Cén fáth ar tharla sé sin?

A "Mhamái", an bhfuil a fhios agat, cá bhfuil an t-airgead?

Céard a rinne Páid?  
 Agus ansin?  
 Bhí brón air, is dócha?

#### CÉIM 4. CLEACHTADH MÚNLAÍ AGUS FOCLÓRA

1. *Cheannaigh sé im.*  
*(anois, gach lá, amárach; níor, ar?: inné;ní, an?: amárach).*
2. *Cá bhfuil an briseadh?*  
*(an glantóir, an citeal, an raidió, an staighre, an deasc, an garáiste).*
3. *B'fhéidir go bhfuil sé ar an mbóthar.*  
*(an leabhar/sa mhála, an lón/sa bhosca, coinín/sa pholl, crúiscín/ar an mbord, an glantóir/ar an gclár dubh).*
4. *Tá poll i mo phóca.*  
*(mise, eisean, ise, Máire, Seán).*

#### CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.
2. Scéal a chumadh:  
“Ní bhfuair Páid an t-airgead . . .”
3. Dráma:  
Chaill Páid an t-airgead, ach fuair Máire é: An comhrá a tharla eatarthu . . .
4. Cluiche tomhais:  
Cuireann páiste airgead i bhfolach sa seomra: Ceisteanna ó na páistí eile: *Cá bhfuil sé? B'fhéidir go bhfuil sé . . .*
5. Comhrá faoin bpictiúr agus ceisteanna ó pháistí ar a chéile agus ar an múinteoir.

##### Rann Ceoil (An ceol ar théip)

I

Chuaigh Páid go dtí an siopa  
 Is cheannaigh sé im 's arán,  
 Nuair a bhí sé ag dul abhaile  
 Chaill sé an briseadh sa tsráid.

II

Amach leis arís ar an mbóthar  
 Is d'fhéach sé ar dheis 's ar chlé,  
 Is fuair sé an t-airgead caillte  
 Agus d'fhill sé abhaile don tae.